

L'angolo della poesia

Un'Associazione culturale non può lasciare in un cassetto una bellissima poesia di Francesco

Lissoni, espressa in versi dialettali, che descrive il paesaggio, i costumi e le emozioni di un tempo;

elementi che ci trasmettono un vissuto fatto di valori umani.

LA STRADA LUNGA

Che bei temp che eran
quant sa girava per Uren
che sandava a pè biot
per i sentè

Quant se pasava
da la strada lunga
visin al prà cun la sua bela scies
da ruben de galadisa

Pasandu ver sira,
sa pudeva vedè
la selvagina
ca ghera in dal prà

Cume i fasan,
i legur che durmivan
in mes di urtich
e su i piantuni ghera anche i pavon

Ul guardia caccia
a l'era Giuàn
ma ul sura nom a l'era
"Buss Negar"

In strada lunga
partendu da la Varisela
a sinistra da la strada
sa vedeva i casott di paisàn

Ul prim a l'era quel
da Gaitàn (detto "Gaina")
cal gaveva ul sciop
da caccia

Gaitan tantu pasiunà
de caccia count la sua pasciensa
al stava magiur part da la
giurnada da dre dal so casott

Setagiù su la preia,
suta la viit, in aguà
a spetà la selvagina
ca vigneve fora dal prà

E quanti fasan
al gà fregà senza fa maron
da Giuàn "Buss Negar"
e dal Cont ul so padron